

ա/ բժշկական օգնության և սպասարկման տեսակների իրականացման համար ՀՀ կառավարության որոշմամբ սահմանվում են մակարդակներ՝ ըստ տեխնիկատեխնոլոգիական և մասնագիտական որակավորման պարտադիր պահանջների ու պայմանների հագեցվածության աստիճանի:

բ/ առաջին մակարդակի համար պահանջվում է.

-համապատասխան բժշկական օգնության և սպասարկման իրականացման համար անհրաժեշտ նվազագույն տեխնիկատեխնոլոգիական և մասնագիտական որակավորման հագեցվածություն,

-ըստ մակարդակի հաջորդական աճման՝ առավելագույն տեխնիկատեխնոլոգիական հագեցվածություն և մասնագիտական որակավորման առավել նեղ մասնագիտական կատարելագործման պարտադիր պահանջների ու պայմանների առկայություն:

Թիվ 58-Ն հրամանի համաձայն իրականացված լիցենզավորման գործընթացները, երբ յուրաքանչյուր խաղարկությանը մասնակցած ընդհանուր հայտատուների թվից՝ 80%-ի մոտ իրականացվում է լիցենզավորման պարտադիր պայմանների և պահանջների առկայության ուսումնասիրություններ, իսկ 20%-ի մոտ ուսումնասիրություններ չի իրականացվում, փաստում է, որ ՀՀ առողջապահության նախարարության կողմից սահմանվել է լիցենզավորման գործընթացների տարբեր մոտեցումներ 80% /ուսումնասիրվող/ և 20% /չուսումնասիրվող/ հայտատուների նկատմամբ:

Պետք է նշել, որ ըստ «Լիցենզավորման մասին» ՀՀ օրենքի 4-րդ հոդվածի պահանջի՝ լիցենզավորման սկզբունքներն են.

ա/ ՀՀ տարածքում տնտեսական գործունեության բնագավառում միասնական քաղաքականության ապահովումը,

բ/ Լիցենզավորման միասնական կարգի և սկզբունքների սահմանումը և այլն:

**Բոլոր հայտատուների համար  
ՀՀ առողջապահության նա-  
խարարության կողմից պետք է  
մշակվի լիցենզավորման  
միասնական կարգ՝  
միասնական մոտեցումներով**

Հաշվի առնելով նշված դրույթը, բոլոր հայտատուների համար ՀՀ առողջապահության նախարարության կողմից պետք է մշակվի /սահմանվի/ միասնական կարգ՝ միատեսակ մոտեցումներով, բացառելով հայտատուների մի մասի նկատմամբ մեկ մոտեցում սահմանող, իսկ այլ մասի նկատմամբ մեկ ուրիշ մոտեցումներ սահմանող

իրավական ակտերի ընդունումը:

Այսպիսով, լիցենզավորման գործընթացներում լիցենզավորման պարտադիր պայմանների և պահանջների առկայության վերաբերյալ ուսումնասիրությունները անհրաժեշտ է իրականացնել բոլոր հայտատուների մոտ, այլ ոչ 80%-ի մոտ, բացառելով ընտրանքային ուսումնասիրություններ իրականացնելու մոտեցումը:

**Ծանոթություն՝** Հաշվեքննության ընթացքում հայտնաբերված վերոգրյալ փաստերը պարունակող արձանագրությունը, «Հաշվեքննիչ պալատի մասին» ՀՀ օրենքով սահմանված կարգով, ներկայացվել են հաշվեքննության օբյեկտի ղեկավարին: Վերջինիս կողմից որոշ փաստերի վերաբերյալ ներկայացվել են բացատրություններ /կցվում են հավելված 4-ում/:

## ՀԱՇՎԵՏՎՈՒԹՅՈՒՆ

1 ՀՀ Առողջապահության նախարարությունը բժշկական օգնության և սպասարկման իրականացում գործունեության տեսակի լիցենզավորման գործընթացները իրականացրել է ՀՀ օրենսդրության պահանջները անտեսելով՝ մասնավորապես Լիցենզավորող մարմնի կողմից չի իրականացվել ՀՀ կառավարության 29.06.2002թ. թիվ 867-Ն որոշմամբ հաստատված Հավելված 5-ի 17-րդ կետի պահանջը, որի արդյունքում չի սահմանվել առանձին բժշկական սարքավորումների համար սահմանված օգտագործման ժամկետներ և հնարավոր այլ անհրաժեշտ չափորոշիչներ, որոնց չբավարարելը, ըստ Լիցենզավորման կարգի 20-րդ կետի 5-րդ ենթակետի պահանջի, հանդիսանում է հայտերի մերժման հիմք:

2 Լիցենզավորման կարգով սահմանված՝ 18-րդ կետի պահանջով իրականացված լիցենզավորման գործընթացը հանգեցրել է մի իրավիճակի, որ լիցենզավորվող անձինք մասնագիտական ապահովվածությանը վերաբերող փաստաթղթերը ներկայացնում են արդեն իսկ լիցենզավորվելուց հետո /գործունեությունը սկսելուց 5 օր առաջ/, որը հնարավորություն չի ընձեռնում մինչև անձանց լիցենզիա տրամադրելը գնահատել նրանց մասնագիտական ապահովվածության համապատասխանությունը սահմանված պահանջներին:

3 01.01.2017-01.11.2018թթ. ընթացքում շուրջ 400 լիցենզավորված անձանցից 268-ը չեն ներկայացրել մասնագիտական որակավորման վերաբերյալ փաստաթղթերը, որոնք ըստ Լիցենզավորման կարգի 18-րդ կետի պահանջի, պետք է ներկայացվեն լիցենզավորված գործունեությունը սկսելուց առնվազն հինգ աշխատանքային օր առաջ:

268 լիցենզավորված անձանց կազմից, որոնք գործունեություն են ծավալել և չեն ներկայացրել մասնագիտական որակավորումը հաստատող փաստաթղթերը համաձայն «Լիցենզավորման մասին» ՀՀ օրենքի 36-րդ հոդվածի 1-ին կետի 2-րդ ենթակետի պահանջի, լիցենզիայի գործողության կասեցման հիմք է:

4

ՀՀ առողջապահության նախարարությունը բժշկական օգնության և սպասարկման իրականացում գործունեության տեսակի լիցենզավորման գործընթացներն իրականացրել է ՀՀ օրենսդրության պահանջները անտեսելով, որի արդյունքում չի իրականացրել ֆիզիկական անձանց մասնագիտական որակավորման ստուգումներ:

5

Այն դեպքերում, երբ լիցենզավորվող անձանց ներկայացրած հայտերը չեն համապատասխանել ՀՀ օրենսդրության պահանջներին, սակայն լիցենզավորման հանձնաժողովը տվել է դրական եզրակացություն և անձինք լիցենզավորվել են, պետք է փաստել, որ Հանձնաժողովի եզրակացությունները հակասել են «Լիցենզավորման մասին» ՀՀ օրենքի 29-րդ հոդվածի, ՀՀ կառավարության 29.06.02թ. թիվ 867-Ն որոշմամբ հաստատված Լիցենզավորման կարգի՝ 20-րդ կետի, ինչպես նաև լիցենզավորման հանձնաժողովի կանոնադրության 2-րդ, 18-րդ և 19-րդ կետերի պահանջներին:

6

Լիցենզավորման գործընթացներում լիցենզավորման պարտադիր պայմանների և պահանջների առկայության վերաբերյալ ուսումնասիրություններն անհրաժեշտ է իրականացնել բոլոր հայտատուների մոտ, այլ ոչ թե 80%-ի մոտ՝ բացառելով ընտրանքային ուսումնասիրություններ իրականացնելու մոտեցումը /ՀՀ առողջապահության նախարարի 03.09.2014թ. «Ընտրանքային ուսումնասիրության կարգը սահմանելու մասին» թիվ 58-Ն հրամանի պահանջներ/:

Արդյունքում չի պահպանվել բժշկական օգնության և սպասարկման գործունեության լիցենզավորման իրականացման նպատակային արդյունավետության սկզբունքը: